

UNIVERZITET U BIHAĆU

P R A V I L N I K

**o utvrđivanju visine naknada i načinu raspodjele sredstava II
ciklusa studija Univerziteta u Bihaću**

Bihać, 2011. godine

Na osnovu člana 61. Statuta Univerziteta u Bihaću, Senat Univerziteta u Bihaću, na XIX (devetnaestoj) redovnoj sjednici održanoj 10. 03. 2011. godine, d o n o s i

P R A V I L N I K

o utvrđivanju visine naknada i načinu raspodjele sredstava ostvarenih od prihoda II ciklusa studija na Univerzitetu u Bihaću

Član 1.

Ovim Pravilnikom se utvrđuju osnovni kriteriji određivanja visine naknada i način raspodjele prihoda ostvarenih na II ciklusu studija koje se organiziraju na organizacionim jedinicama Univerziteta u Bihaću (u daljem tekstu : Fakultet).

Član 2.

II ciklus studija predstavlja redovnu djelatnost Fakulteta, a koja se finansira iz naknada studenata II ciklusa studija, te drugih izvora.

Član 3.

Naknade koje uplaćuju studenti II ciklusa studija odnose se na sveukupne troškove u koje spadaju: troškovi školarine po semestru, troškovi polaganja ispita, troškovi odbrane seminarskih, magistarskih radova, te troškovi izrade diploma.

Struktura troškova II ciklusa studija klasificira se na slijedeći način:

1. Troškovi školarine, polaganje ispita, odbrana seminarskih radova,
2. Troškovi komisije za prijavu teme i podobnosti kandidata, te troškovi komisije za odbranu magistarskog rada,
3. Ostali troškovi (izrada eksperimenta, izrada diploma i sl.).

Član 4.

Visinu svih vrsta naknada koje uplaćuju studenti II ciklusa studija utvrđuje Nastavno naučno vijeće Fakulteta (upisni matrijal, cijena prijave ispita i sl.)

Fakulteti su u obavezi voditi računa o minimalnom broju upisanih studenata na II ciklusu studija u cilju finansijske samoodrživosti.

Član 5.

Cijena II ciklusa studija na fakultetima Univerziteta u Bihaću ovisi o dužini trajanja studija, odnosno da li se radi o II ciklusu studiju sa dva (4+1) ili četiri semestra (3+2).

Studenti koji upisuju II ciklus studija po modelu 4+1 plaćaju ukupnu cijenu školarine u iznosu od 5.200,00 KM, odnosno:

- 1.500,00 KM po prijavi semestra,
- 2.000,00 KM po prijavi teme magistarskog rada,
- 200,00 KM za troškove izrade diplome.

Studenti koji upisuju II ciklus studija po modelu 3+2 plaćaju ukupnu cijenu školarine u iznosu od 7.200,00 KM, odnosno:

- 1.500,00 KM po prijavi semestra
- 1.000,00 KM po prijavi teme magistarskog rada,
- 200,00 KM za troškove izrade diplome.

Član 6.

Cijena sata izvođenja nastave na II ciklusu studija je 80,00 KM u neto iznosu

Zaposlenicima Univerziteta u Bihaću se izdaje rješenje o izvođenju nastave na II ciklusu studija i naknada se isplaćuje za protekli mjesec uz redovnu plaću.

Član 7.

Naknade za rad Komisije za ocjenu podobnosti teme i kandidata na II ciklusu studija određuju se u neto iznosu kako slijedi:

- 150,00 KM za predsjednika komisije.
- 100,00 KM za članove komisije.

Zaposlenicima Univerziteta u Bihaću se rad u ovoj komisiji plaća uz redovnu plaću na osnovu izdatog rješenja o članstvu u komisiji.

Član 8.

Naknada za rad komisije za odbranu magistarskog rada određuje se u neto iznosu kako slijedi:

- 500,00 KM za predsjednika komisije,
- 800,00 KM za mentorstvo i mentora,
- 400,00 KM za člana komisije,
- 50,00 KM za zapisničara.

Naknada za mentorski rad sa kandidatom u fazi pripreme i prijave teme magistarskog rada vrednuje se u visini do 10 sati cijene nastavog sata.

Zaposlenicima Univerziteta u Bihaću se rad u ovoj komisiji plaća uz redovnu plaću na osnovu izdanog rješenja o članstvu u komisiji.

Član 9.

Ukupnu cijenu školarine, sata izvođenja nastave i ostalih parametara koji se odnose na raspodjelu sredstava Drugog ciklusa studija Nastavno-naučno vijeće fakulteta može mijenjati na prijedlog Dekana, a uz saglasnost Senata, u slučaju ako broj prijavljenih kandidata ne odražava princip samofinancirajućeg studija.

Član 10.

U skladu sa ukupnom obrazovnom politikom USK-a koja podstiče sve vidove doškolovanja i stvaranja vlastitih kadrova, uposlenici Univerziteta u Bihaću koji upišu II ciklus studija na fakultetima Univerziteta u Bihaću ostvaruju slijedeće pogodnosti:

1. Oslobođeni su plaćanja troškova nastave, polaganja ispita i odbrana seminarskih radova na II ciklusu studija;
2. Plaćaju 50% od ukupne cijene troškova komisije za odbranu magistarskog rada;
3. Plaćaju 50% od ukupne cijene troškova komisije za podobnost teme i kandidata;

Član 11.

Zaposlenici Univerziteta u Bihaću koji prijave II cikluse studija izvan Univerziteta u Bihaću priznat će se novčana naknada u istom iznosu kao i zaposlenicima koji II ciklus studiraju na Univerzitetu u Bihaću kako slijedi:

- 30 % sredstava po upisu studija,
- 30 % sredstava nakon odslušanih svih semestrina studija,
- 40 % sredstava pri odbrani magistarskog rada.

Član 12.

Magistarski studij započeti prije stupanja na snagu ovog Pravilnika završit će se po pravilima i cjenovniku koji je vrijedio u to vrijeme na svakom fakultetu Univerziteta u Bihaću.

Član 13.

Prihodi ostvareni po osnovu II ciklusa studija mogu se koristiti isključivo za nabavku sredstava, opreme i unapređenju uvjeta za II ciklus studija.

Član 14.

Sati II ciklusa studija ne ulaze u ukupnu normu rada nastavnika i saradnika koji su određeni Pravilnikom o osnovama finansiranja Visokog obrazovanja (broj 03-017-822/2004) i Odlukom o standardima i normativima za oblast Visokog obrazovanja u FBiH (broj 526/08).

Član 15.

Ovaj Pravilnik stupa na snagu narednog dana od dana objavljivanja na oglasnoj ploči Univerziteta u Bihaću, a primjenjivat će se počev od akademske 2010/11. godine.

Broj: 06 – 844/2011
Bihać: 10. 03. 2011.

Predsjednik Senata:

Prof. dr Refik Šahinović

Ovaj Pravilnik objavljen je na oglasnoj ploči Univerziteta u Bihaću dana 22. 03. 2011. godine, a stupio je na snagu 23.03. 2011. godine.

Predsjednik Senata:

Prof. dr Refik Šahinović